

**KOMISIJA ZA TUMAČENJE I PRAĆENJE PRIMJENE
KOLEKTIVNOG UGOVORA ZA SLUŽBENIKE ORGANA UPRAVE I SUDSKE VLASTI
U FEDERACIJI BOSNE I HERCEGOVINE**

Na osnovu člana 71. Kolektivnog ugovora za službenike organa uprave i sudske vlasti u Federaciji Bosne i Hercegovine („Službene novine Federacije BiH“, broj: 98/23 i 46/25), Komisija za tumačenje i praćenje primjene Kolektivnog ugovora za službenike organa uprave i sudske vlasti u Federaciji Bosne i Hercegovine (u daljem tekstu: Komisija), povodom zahtjeva Sindikalnog odbora Sindikalne organizacije Porezne uprave Federacije BiH Sindikata državnih službenika i namještenika u Federaciji BiH, za tumačenje odredbi člana 61. Kolektivnog ugovora za službenike organa uprave i sudske vlasti u Federaciji Bosne i Hercegovine, na 13. sjednici Komisije održanoj dana 06.11.2025. godine, donosi:

O D L U K U

o tumačenju odredbi člana 61. Kolektivnog ugovora za službenike organa uprave i sudske vlasti u Federaciji Bosne i Hercegovine

I

Utvrđuje se tumačenje odredbi člana 61. Kolektivnog ugovora za službenike organa uprave i sudske vlasti u Federaciji Bosne i Hercegovine, kako slijedi:

“U skladu sa odredbom člana 61. Kolektivnog ugovora rukovodilac organa državne službe je dužan omogućiti plaćeno odsustvo sindikalnom povjereniku u trajanju do 2 dana ili 16 radnih sati mjesečno.”

II

Ova odluka primjenjuje se na sve organe i institucije iz člana 72. Kolektivnog ugovora, čija je sindikalna organizacija članica reprezentativnog sindikata Samostalnog sindikata državnih službenika i namještenika u organima državne službe, sudskoj vlasti i javnim ustanovama u Federaciji Bosne i Hercegovine (u daljem tekstu: Samostalni sindikat).

III

U skladu sa odredbom člana 71. stav (6) Kolektivnog ugovora, ovu odluku su dužne poštovati sve ugovorne strane ugovora.

IV

Ova odluka će se dostaviti podnosiocu zahtjeva i Samostalnom sindikatu putem Federalnog ministarstva pravde.

Obrazloženje

Komisiji je dostavljen zahtjev Sindikalnog odbora Sindikalne organizacije Porezne uprave Federacije BiH Sindikata državnih službenika i namještenika u Federaciji BiH za tumačenje odredbe člana 61. Kolektivnog ugovora za službenike organa uprave i sudske vlasti u Federaciji Bosne i Hercegovine, a u smislu utvrđivanja načina se može koristiti odsustvovanje sa posla zbog sindikalnih obaveza, a kada je takvo odsustvovanje kraće od cijelog radnog dana.

Imajući u vidu navode iz dostavljenog zahtjeva, Komisija ističe da je odredbom člana 61. Kolektivnog ugovora propisano da je poslodavac organa državne službe dužan omogućiti plaćeno odsustvo sindikalnom povjereniku u trajanju do 2 dana ili 16 radnih sati mjesečno."

Podnosilac zahtjeva je dostavio Komisiji zahtjev za tumačenje navedene odredbe člana 61. u odnosu na odsustvo sindikalnom povjereniku sa posla, po osnovu sindikalnih aktivnosti, a koje ne zahtjevaju odsustvo u trajanju od 8 sati, odnosno čitavog radnog dana.

Imajući u vidu navedeno, Komisija zaključuje da obzirom da sindikalne aktivnosti često ne iziskuju odsustvo sa radnog mjesta u trajanju od 8 radnih sati u roku jednoga dana, da je u takvim situacijama poslodavac dužan omogućiti sindikalnom povjereniku odsustvo sa posla u trajanju obračunatom po osnovu sati.

Shodno navedenom, utvrđeno je tumačenje odredbi člana 61. Kolektivnog ugovora, na način kako je navedeno u tački I ove odluke.

Obzirom da je odredbom člana 72. Kolektivnog ugovora utvrđena primjena istog u odnosu na organe i insitucije na koje se ovaj kolektivni ugovor primjenjuje, utvrđeno je kao u tački II ove odluke, dok je tačkom III utvrđeno da su ovu odluku dužne poštovati sve ugovorne strane ugovora, u skladu sa odredbom člana 71. stav (6) Kolektivnog ugovora.

Broj: 01-741-60/25
Sarajevo, 06.11.2025. godine


Članovi Komisije za tumačenje i praćenje primjene Kolektivnog ugovora za službenike organa uprave i sudske vlasti u Federaciji Bosne i Hercegovine




Vedran Škobić



Tijana Babić



Samir Kurtović



Haris Karačić